

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XLI

urn:nbn:de:bsz:31-97032

Iambolo reperta in Oceano, versus meridiem animalia producit, magnitudine quidem parva, sed natura & sanguinis virtute mirabilia. Corpore sunt rotundo, ac testudinibus simili, duabus lineis per invicem per medium transversis, in quarum cujuslibet extremo sit auris & oculus, ut quatuor oculis videant, totidemque audiant auribus. Vnicus venter absque intestino, in qua comesta fluunt; pedes circum habent plures quibus in utramque partem ambulant. Sanguis mirabili asseritur virtute. Omne enim corpus concisum dum spirat, hoc tinctum sanguine cohaeret. *Ishah. Boemus.* Colophonem huic capiti imponat fera in provincia Tlascalensi in regno Mexicano, quam barbari *Teuchtlaco?aulquin* vocant, descriptio, à Ximene prodita. Est fera, inquit iste, atrocissima, quatuor & interdum plures palmos longa, capite viperæ, ventre candido vergente ad fuscum. dorsum ipsi pardum & penè nigrum, cum radiis quibusdam fuscis, quæ in spinam desinunt. Ocyssime se movet per rupes & præcipitia, tardius in plano. Quot annos ætatis attingerit, tot sonabula posteriori parti caudæ annata deprehenduntur, quæ instar vertebrarum dorsi, sibi invicem succedunt. Icti ab hoc serpente summo cum cruciatu, intra viginti & quatuor horas moriuntur. Totum enim corpus ipsis finditur in rimas. Irritatus sonabula illa movet, & valdè tinnit. Barbari carnem illius in cibis usurpant.

C A P U T X L I . D E U R S O .

I N extrema Arabiæ regione carnivori sunt. *Strabo l. 16.* albi in Mysia; qui cum à venatoribus urgentur, halitum educunt; qui carnes putrefacit, & si propius accesserint, phlegma ore ejiciunt, quo vel suffocantur vel obcæcantur tam canes quam homines. *Arist. in mirabil.* Insignis interdum magnitudinis. Quinque cubitorum in longitudine. Maximiliano ex Lithuania

Lithuania allatum, tanta latitudinis, ut maximo compereret bovi *Vadianus* testis est. Caput illi tam infirmum, ut colapho infracto exanimetur. *Plin.* Aquam morsu vorat bibendo, degustatisque mandragoræ malis, forniceti linctû sanitatem recuperat. Majorem mure dicitur parere fortum, minorem fele, nudum, membris indiscretum *Gillius*, & rudem *Plin.* At excisus aliquando in Polonia, ad Gesnerum missus, longior erat digito, crassitudine pollicis, corpore articulado, posterioribus cruribus exceptis. *Gesnerus.* Opimo præditus habitu, latibulum supinus dorsi ingreditur tractu, & vestigia ne venatores conspiciant obliterat; In eo 40 dierum spacio extenuat corpus, quatuordecim immobiles, dextri pedis se sustentat linctû. Vbi intestinum attenuari, ut fere cohæreat, persensit, egressus Aro herba pascitur. *Ælian.* Nulla tunc cibi argumenta, nec nisi humoris in alvo minimum, sanguinis exiguæ circa præcordia guttæ. Per id tempus coctas carnes, asservatas increfcere credidit *Theophrastus.* Fœminas amat: Visus in Allobrogibus, qui comprehensam puellam, in latibulum detulit, & Venereo profecutus complexu, agrestibus aluit pomis. Mitescere, Suidrigelus Princeps Lithuanix ostendit. Vrsam enim nutrit, quæ ejus sueta ex manibus panem sumere, excursionibus in sylvam factis redibat, patensque ei ad thalamum principis via. *Volaterr. l. 7.*

CAPUT XLII.
DE VULPE.

Vulpium Caspiarum tanta est multitudo, ut & agrestia adeant stabula, ingrediantur & urbes. *Ælian.* & quidem tam cicures ut caniculorum instar blandiantur. Robustæ in Sardinia: Nam ferocissimum etiam arietem occidunt, tenerumque vitulum. *Munster.* Albæ sunt in Moscovia; fœdo in Arabia pilo, audacia insigni. Mutuo vesperi ululatu excitæ præ antes noctu calceamenta etiam rapiunt. *Scaliger.*
P Amnes